

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



W1228/240

近代中國史料叢刊續編第二輯  
沈雲龍主編

何文貞公遺書

何桂珍著

文海出版社有限公司印行

校刊何文貞公遺書序

道至孔子而大明周末秦漢之際復爲異端諸子之說  
所淆亂漢惟董子得其醇唐惟韓子得其正宋至周張  
二程四子者出俱稟中行之資剛健之性而益之以純  
粹以精之學因得不傳之道脈於遺經蘊之爲德行行  
之爲事業著之爲文章朱子生其後集羣儒之大成本  
孔子下學上達之訓深造自得益充實而有光輝其傳  
註諸經俱粹然一出於正由是孔子所傳二帝三王明  
德新民之學又復大明於世矣朱子旣沒黃勉齋眞西  
山衍其傳元許魯齋明薛敬軒胡敬齋及於我朝之張

楊園陸稼書諸先儒續其緒俱能篤守其正而不失程  
朱論學之宗其行己立身或出或處事君臨民著書垂  
教咸能擇善固執真知力踐於孔孟之道而不爲異說  
所遷移是皆所謂言可世爲天下法行可世爲天下則  
者也嘉道間海內重熙累洽文教昌明而闇然爲爲己  
之學兢兢焉謹守程朱之正軌體之於心修之於身用  
則著之爲事功變則見之於節義窮則發之於著述踐  
之於內行純一不雜有守先待後之功者聞見所及約  
有數人長白倭文端公霍山吳竹如先生宮京師時與  
師宗何文貞公湘鄉曾文正公羅平竇蘭泉侍御日從

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



公學成德尊倭公則完養深醕近於薛文清吳公則誠  
明兩進近於陸清獻羅方劉三先生閑道距詖其正大  
精純幾於韓子之辨佛老朱子之辨雜學是皆大有功  
於道教者也曾公旣用其學撥亂反治以勲德顯竇公  
秉正嫉邪以直言著獨何文貞公高志卓識實體躬行  
毅然有堯舜君民之心嘗補輯朱子大學講義進呈又  
手錄真西山大學衍義恭呈黼座其他奏議無一不以

君德人才爲心憤年未強仕而遽賚志殉節不獲盡施其所學於世著述亦散軼不全然固已無愧於古之純備純臣也已六安涂朗軒制軍曩嘗從倭吳諸公遊篤好正學之書旣刊程子朱子許文正胡文敬全集嘉惠士林復校刻倭文端公遺書吳公拙修集劉先生理學宗傳辨正羅公姚江學辨方先生漢學商兌今復訪得何文貞公遺書屬宗誠編次急爲刊行夫文貞此書乃其篤志程朱之學欲以道致君澤民而未盡者也涂公之刻此書與前所刻諸公之書非徒篤師友之誼而欲顯微闡幽也誠以其皆聖賢之道正脈所關故樂爲傳

之使學術不致爲異說所迷誤而明德新民之學常昭  
於世也讀者當有以默識於心云光緒十年孟冬月桐  
城方宗誠謹識於安慶之觀瀾樓





國史忠義傳

何桂珍雲南師宗人道光十八年進士改翰林院庶吉士二十年散館授編修二十六年提督貴州學政三十年命在上書房行走授孚郡王讀時文宗顯皇帝亦讀書潛邸桂珍以學問受上知比登極數抗疏言軍事得失又增輯真德秀大學衍義芻言並著訓蒙千字文手繕進優詔納之咸豐二年四月記名以道府用六月充日講起居注官九月授福建興泉永道時廣西會匪既陷江甯股匪林瀾祥等竄擾畿輔京師增備巡防桂珍以協辦大學士賈楨等保奏命開缺以候補道留京辦

理城守事宜四年二月授安徽甯池太廣道時安慶  
久陷改省會於廬州仍被賊踞官軍駐於廬州所屬之  
店埠桂珍所治在江南阻於賊安徽巡撫福濟遂疏留  
桂珍於江北尋檄募勇隨征餉無所出久之得二百餘  
人率以西號召鄉兵得三千有奇激以忠義十月破李  
兆受於霍城東追擊至麻埠進徧流波礮李兆受者故  
河南捻匪魁也有眾數萬至是桂珍皆擊敗之復檄商  
城固始等縣團丁扼賊歸路而自率所部進追捻黨大  
懼兆受與馬超江等相繼降散脅從萬計百姓歡呼餽  
糗糧不絕先是檄桂珍援廬江檄未至十二月

謹按廬江

嘉慶九月二十七日安徽通志廬江縣志吳廷香遺集墓誌皆同史傳疑誤廬江縣城復陷桂

珍馳救不及革任會兵部右侍郎曾國藩督楚師克武昌大破賊於田家鎮遂圍九江桂珍通牒楚軍言戰狀國藩具疏以聞副都御史袁甲三軍臨淮亦欲資桂珍兵西與楚師會桂珍至蘄水境爲吏民遮留不得前嗣聞九江軍失利武昌再陷國藩入江西文報不通桂珍提孤軍轉戰於潯霍間五年正月克蘄水旋克英山殲逆酋田金爵經提督和春奏入諭曰已革道員何桂珍雖經失守於前卽能收復於後功過尙足相抵著免其議處又以曾國藩奏桂珍攻剿股匪疊獲勝仗賞六

品頂帶計自桂珍駐英山任事八閱月支見銀三百兩  
民兵相從日多又益以兆受降眾無所得食五月師遂  
潰方兆受之降也桂珍請廢以官秩大府難之至是糧  
絕意不能無觖望適超江爲土人所殺兆受請拘其讎  
弗得益大恚則設位哭弔捨黨屬集於是皖豫諸師以  
兆受有反狀榜於衢購兆受頭千金兆受詣桂珍所自  
陳桂珍拊慰之稍定矣會當道以密書由驛遞屬桂珍  
先發制之書爲兆受得兆受疑爲所賣遂以十一月三  
日伏兵於英山之上南門突出爲亂桂珍遂遇害事聞  
得旨照道員陣亡例賜卹尋賜卹如例贈光祿寺卿銜

賞雲騎尉世職襲次完時以恩騎尉世襲罔替同治三年江甯克復曾國藩疏言桂珍率鄉團剿賊時飢餓艱危歷人間未有之苦卒以機事不密爲叛人所戕天下冤之奏入賜祭葬予諡文貞命建祠英山縣予騎都尉世職子梅齡襲

卷之三

三

曾文正公爲昭雪請諡疏

再臣欽奉八月二十一日寄諭李元度一員本日又催令左宗棠迅卽查覆俟覆奏到日再降諭旨江忠源已屢次加恩於朝廷報功之典亦尙允當此次該大臣所請與何桂珍劉騰鴻畢金科等三員應如何一併加恩之處卽著該大臣查明具奏等因欽此除李元度之案業經續奉諭旨交部定擬江忠源之續本年又奉特恩賞給三等輕車都尉世職未敢再乞恩施外惟原任安徽寧池太廣道何桂珍以道員率三百人責以救授廬江遂至鑄職其在軍備嘗艱苦挫折萬端實屬世所罕



聞遽殞於叛人之手臣至今猶憫其寃補用直隸州知州道員例議卹劉騰鴻銳志討賊幾與羅澤南李續賓齊名所部千餘人由鄂援江無堅不破江西大難因此而解苦攻瑞州中礮洞齧齧志云殂遠近悼惜候補游擊雲南臨沅鎮都司畢金科當世驍將七年正月景德鎮之役實因餉絀而冒險求戰輕兵深入失此將材之三人者荷蒙先皇帝卹贈有差忠勇邁倫死事甚烈深恐積久弗彰合無籲懇天恩將何桂珍劉騰鴻畢金科等三員各予賜諡以表忠蓋而示來茲謹附片覆陳伏乞皇太后皇上聖鑒訓示謹奏

曾文正公何君殉難碑記

嗚呼軍興十載士大夫君子橫死者多矣獨吾友何君  
丹陛尤深痛不忍聞自近古以來未有行善獲禍如是

之烈者也豈不悲哉君以咸豐四年五月

謹按國史本傳作四年二

月此記似誤

由翰林院侍講上書房行走出爲安徽徽甯池

太廣兵衛道時則安慶暨濱江府縣淪沒賊中廬州新  
立行省亦陷於賊副都御史袁公軍臨淮提督和公巡  
撫福公軍廬州君當之官不克南渡袁公欲資君以兵  
西會楚師福公亦具疏留君江北檄君募勇出征公私  
匱乏沮傷百端最後得二百餘人率之以西至霍山徵

集潰兵團勇三千餘人推譏獎勵遂以十月二日大破  
捻匪李兆受於城東追至麻埠又五日至流波碰檄商  
城固始圍練堵其北金家寨圍丁禦其東而自率所部  
過其西捻黨洶懼李兆受與馬超江等相繼投誠挺散  
脅從遠近大說環三四縣皆輸豬雞糗糧金錢之屬聲  
終宵不絕先是大府帥檄君救援廬江檄未至而城先  
陷至是奉被劫華賊之命軍士懷不能平雖百姓亦惘  
惘也方楚帥之出岳州而東也克武昌下黃州破田家  
鎮水陸電道席卷千里其後塔齊布羅澤南兩軍由黃  
梅南渡以圍九江賊循北岸而上復陷蘄黃竄武漢自

長淮以南天柱內外所在蜂屯君以孤軍流離西與楚師不相聞東與廬州大府隔絕朝不謀夕嚙指誓眾五年正月進攻蘄水克之又分軍克復英山又繼剿賊田金爵大府帥以君西征有效疏令留駐英山君出師至是凡八閱月僅支見銀三百兩士卒及民團相從者增至三千人又益以李兆受新降之眾無以爲食屑無孺幕雨無薪木村郭無居民遠近無援傷亡無以爲卹始什人賦麵一斤繼而削減半之既又半之而賊來益甚日提飢卒轉戰不得休五月十二日軍敗徒行泥淖中鄉民或哀而進食君雖強自振厲然憊甚瘦瘠發體氣

亦少饜矣李兆受者故反側持兩端感君忠勤不忍遽  
背負絕糧既久怪君無以活之意望甚又同時降人馬  
超江爲匪徒所殺怨官不能捕誅以抵罪也則大戚議  
爲超江復仇設位受弔捻黨畢集於是安徽河南兩省  
皆以兆受復叛入告而縣令亦懸賞購兆受頭千金兆  
受益不自安匍伏詣君自陳無他君撫慰稍稍緩定矣  
會大府帥有密書抵君教以圖剪叛賊毋後人發爲兆  
受所得遂陽爲置酒高會而伏兵戕君於英山之小南  
門遺骸殘燬同遇難者四十七人咸豐五年十一月初  
三日也君諱桂珍字丹畦雲南師宗人道光甲午科舉

人戊戌進士翰林院編修丙午提督貴州學政旋晉侍  
講入直上書房數抗疏陳軍事得失推本君德又采朱  
子真西山大學之說傳以已意引申條例手繕成帙隨  
疏奏進君之意嘗以爲聖人者無不可爲功無不可就  
獨患人不自克不能竭其心與力之所竟耳及君出而  
莅事飢餓經年而百戰不息儻所謂自克者耶竭吾心  
與力而不遺者耶卒其獲禍如是之烈而或不免身後  
之餘責然則爲善者何適而不懼哉咸豐十年國藩屯  
軍江北詢君患難馳驅之所乃立石英山綴以銘詞俾  
來者有考焉銘曰

飢寒逼身難顧廉恥聖主不能安其民慈母不能撫其  
子况於揭竿烏合之徒亡命歸誠之始倏順忽逆朝人  
暮豕封豕負塗積疑張弧鋸牙鉤爪殪我閔儒赤舌燒  
城死有餘議羣毀所歸天地易位悠悠之口難可遽勝  
我銘諸石少待其定上訊三光下訊無竟湘鄉曾國藩

譏

倭文端公安徽徽甯池太廣道何君墓表

惟咸豐五年十有一月初三日分巡安徽徽甯池太廣  
兵備道何君殉難於英山之上南門烏虜哀哉初粵匪  
造寇徑據武昌乘勢東趨安慶不守後巡撫李公遂移  
駐廬州立行省焉及廬州繼陷潁江諸城紛紛失守其  
時君適觀察徽甯奉母之官而其兄懷珍方防河汜水  
君迂道過焉慷慨告別兄謂親老宜早歸養君曰旣仕  
矣身安得自有耶且今之所以養母者君之祿也食焉  
而遊其難可乎副都御史袁公辦賊臨淮素有威望稔  
君膽智沈毅忠慨可任欲資君以兵西會塔齊布羅澤



南雨公商所以討濟之者當是時也侍郎曾公率楚師由岳州而東電疾颺馳武昌黃州相繼克復脫以君果西上簡眾采入直指廬州與袁公相犄角則安徽大勢振已乃議甫成而巡撫福公疏奏留君江北募勇坐失事機論者惜之君募勇得二百餘人又糾率霍山潰卒練兵得三千餘人於四年十月二十二日被擒匪李兆受迫至麻埠又追至流波磴君率所部過其西擲商城固始練兵堵其北金家寨練兵禦其東北受窮乞降五年正月克蘄水又分軍克英山又殲賊酋田金爵大府疏上君功留駐英山自君出師兵勇相隨凡三千餘人

又益兆受降眾至是八閱月僅用餉銀三百兩兆受以  
絕糧故望君又馬超江者前兆受與降者也爲所怨殺  
其黨忿官不爲捕抵益大譁於是當事具疏稱兆受復  
叛縣令承望風旨購兆受千金兆受恐不免詣君自訟  
君慰之屬當事祕致君書曰急誅兆受書未抵君爲兆  
受得遂手戕君吁可痛哉君承殘破之後掇拾之餘兵  
單餉罄兆受又新附不相保持人心危慮而君忠誠感  
發使新舊用命猶日率飢眾轉戰不休可謂難矣雖兆  
受敢反側皖豫二省以復叛聞至所在捕斃之然猶詣  
君曰陳不忍遽背設當事無密書則君之於兆受殆所

謂飽食腐肉惟其驚也又安在不可化狼子之野心而  
竟致編六之反噬哉或曰當事實基君故宣露其書以  
報隙耳噫此非予所敢知也君諱桂珍字丹溪由翰林  
院編修入值上書房嘗彈湖廣總督程喬采湖北提督  
博勒恭武不職報可抗疏論政體得失原本君心識者  
遠之九服膺朱子真西山大學之說析理多精邃著有  
補韓講義二卷衍義增編四卷訓蒙千字文一卷均手  
錄進呈君娶陳氏無子女三以兄子梅齡嗣君爲余道  
光乙未科所薦士議論激發相視莫逆當監司安徽時  
曠賊尅鬪獨以烏合嬰其鋒艱難之際忠義惟塵蕩平

寇氛方於斯人賴不幸積疑哮喘見殞毒手遂使其才  
竟枉其功未就悲夫君逝逾稔長子福咸守君之官奮  
君之節捐軀巷戰畢命鋒鏑九京相遇應誓同殺賊以  
報君國表君及之不自覺老淚泫泫下也長白倭仁譔  
謹按何文貞公殉難後雲南阻於回逆不得反觀故  
里久之公母張太恭人兄懷慶太守諱懷珍字圓溪  
者先後卒於河南其家遂奉公隨張太恭人圓溪太  
守俱寄葬禹州北門外之田莊子聞諸公嗣子梅齡  
云涂宗瀛識

介三馬之三全

三

吳拙修先生記何丹溪死事

丹谿初授安徽寧池太廣道未履任至廬州謁撫軍  
旋經奏派剿賊發餉二百兩撥撫標兵一百名諭令由  
六安霍一帶招勇爲兵勸捐作餉會合袁副憲兵勇收復  
安慶省城時咸豐四年九月也觀察至六安境聞廬江  
新復賊援大至二十五日觀察至霍二十七日廬江陷  
吳長史刻其父吳徵士遺集載墓始奉安撫札飭赴援  
志云九月二十九日廬江復陷廬江而奏參救援廬江逗遛不進亦同日奉行知先是  
廬江孝廉方正吳廷香收復廬江安撫以捷聞吳徵君  
以廬江爲賊所必爭屢請兵共守不應賊眾至遂復陷

屠戮甚慘與徵君死之安撫因參觀察自圖彌縫不發  
兵之咎觀察既望吏議不復自辨讀邸鈔者以爲信然  
矣適粵逆勾結河南捻逆李兆受眾萬餘人往攻圍舒  
城官兵後路規取霍山城爲巢穴霍山城殘壞不可守  
觀察時所招開化勇及撫標兵不及三百人乃集團練  
千餘人爲聲勢十月初四日破李兆受當以十月初四  
日爲確碑記墓志皆誤  
清晨出霍山東門外三里阻隘扼河以禦開化勇固善  
擡槍賊至逼於地勢不能平進敗之追十餘里入山而  
返勇飢入城飯未畢賊復翻山由北路而至北門外阻  
大河賊自北山下橫亘大河外數十里半涉河直進勇

伏不動賊將及忽起擡槍齊發賊前列俱仆地遂大圍  
逃奔擁擠入河多溺死餘悉奔潰乘勝窮追殲戮賊內  
長髮者三粵逆也所獲脅從各縱還鄉里賊眾聞風解  
散是役也以勇數百及團練千餘人敗賊萬餘人羣詫  
爲奇功李兆受率餘黨去城八十里據麻埠士庶羣立  
觀察長生祿位祀之且籲請留剿餘孽觀察亦慮留遺  
患調各鄉十四保團練計萬餘人往剿李兆受窘迫乞  
降觀察因兵單餉絀撫而用之是時袁副憲所派臧牧  
庵京卿逕自改道往攻桐城終不來會師觀察勢難獨  
取安慶遂至英山以圖進剿嗣親率兵勇直至太湖城



下屢戰皆捷熟察形勢知易取難守又因奉廷諭與曾侍郎歸併一軍將往九江道梗不能進而安撫以英霍為楚皖門戶防剿事宜非觀察不可奏請得旨曾侍郎因奏觀察督辦羅麻蘄黃潛太等十州縣團練靜俟楚師下皖會合進剿安慶奉旨兵勇口糧著楚皖兩省籌辦接濟毋任飢疲解散致失機宜而觀察遂留駐英山矣太湖賊乘閒竄英蘄觀察調兵勇前後二十餘戰殺賊無算安撫匿不上聞六安知州茅念劬以其在六霍勸捐剿匪惡侵已事數讒間於大府而楚皖兩省互相譏軍餉不至英邑數被蹂躪人感其德始猶竭力捐輸